

中國歷代書畫叢書

三希堂畫譜大觀

葉九如

輯選

仕女・翎毛・花卉



中國書局

中國歷代書畫叢書

三希堂畫譜大觀

葉九如選輯

仕女

翎毛花卉

中國書局



(京) 新登字 213 号

三希堂畫譜大觀・仕女 翎毛花卉／葉九如選輯

中國書局出版

ISBN7-80568-658-0/J·167

印刷：北京市昌平新興印刷廠

850×1168 1/32 23.125 印張

一九九五年十月第一版 一九九五年十月第一次印刷

發行：全國新華書店經銷

定價：二十二元

三希堂仕女畫寶大觀

宋元以前仕女畫法未嘗獨闢一門蓋多與人物併而爲一也迨及朱明仕女之畫日多其畫法亦日備始有以專工仕女名家者大都以曹衣游絲二描法爲主及有清中葉作家更輩出如王小某費曉樓沙山春錢吉生等皆是各出新意各成家派洵乎有超越前古之致也夫仕女之繪事雖出於人物然較人物其難有倍蓰者蓋旣欲其似美人又欲其不類時世真美人尤欲其不俗而不背於古法斯三者往往顧此則失彼况身材必使其苗條眉目必使其秀麗更非若畫人物者之可以八大山人點擢諸法行使其胸中奇氣者也近自時裝美女圖充溢於坊間學者始稍稍知厭棄而漸有意於吾國固有之仕女畫之恢復然惜乎世已無真法家且尤無合法之善譜莫厘九思主迺適於此時有茲集之出版其庶幾爲丹青界之明星

中國歷代書畫叢書

而初學之南針乎青田山人謹序



甲子夏月

九朝金粉

周震麟題



三希堂仕女畫譜大觀淺說

畫士女之源流

劉向著列女傳。後人因為之作圖。是為士女專入畫傳之始。考士女畫法。本屬人物一門。然古來之娥皇女英圖。晉戴逵之列女仁智圖。宋袁倩之丁貴人彈曲項琵琶圖。唐周昉之楊妃架雪衣女亂雙陸局圖。皆名重藝林。年湮代遠。真蹟客未盡傳。而畫法正宗。要以吳道子為法。南宋院畫。雖極工緻。然無其筆力。傳染為工。穠則失之俗。輕淡則失之薄。有明仇英唐寅。獨宗吳生。及陳章侯出。設色多吳裝。與仇唐各擅其長。此三子者。時代相去未遠。學者能於三子者之妙蹟。專心致志。而反覆尋究焉。則駕宋窺唐。於是乎在。第清自中葉以後。畫士女者。專以妍麗柔媚見長。一變古樸成法。此亦如西京文體。變為六朝。殆風會趨尚使然。而要其筆意。不肯乎古。則一而已矣。

畫士女之通論

(一) 派別 世之論畫者。曰古人畫士女。或坐或行。或立或卧。皆質樸而神韻自然。斌嫵。今之畫者。務求新豔。極彎環盤折之態。是猶梨園子弟。登場演劇。與

娼女媚人而已。不知古人之為士女圖者。大都或述宮闈。或傳貴戚。或述賢婦烈女。命意既嚴。自以端莊厚重為取則。今之所畫。則唐人春閨諸作之意也。或花晨月夕。幽怨無端。或燈影砧聲。有懷莫白。譬之著述。則古為史傳體。而今為風詩體也。立意既殊。神態自別。要之發情止義。貞靜幽嫺。蓋有神明於古。而不背其宗旨者在焉。至於摹倣歐風。妝成時世。工顰巧笑。盡態極妍。以視七薌曉樓諸子。雅俗何如。

(二) 風韻 士女首重風韻。而風韻有生於姿態中者。有生於姿態外者。昔人論美女。如東鄰之子。蛾眉皓齒。洛浦之神。環姿豔逸。至有善為妖態。作愁眉啼妝。墜馬髻。折腰步。顰齒笑者。皆是風韻生於姿態之中也。若桓溫納李勢之妹為妾。置諸齋中。其妻操刀襲之。李情詞悽惋。妻釋刀曰。吾見猶憐。何況老奴。夫李當危急驚懼時。猶令妬婦易妬為憐。即此以思。風韻所生。固不在生嬌作態也。

(三) 點綴 畫中點綴。全在布置得法。與美人相稱。如花宜豔。草宜嫩。竹欲疏。而韻石欲透。而瘦。枝高宜斌媚。多姿。樹老欲婆娑有致。試簪花之格。須淨几而窗明。描倦繡之圖。正香溫而茶熟。朱欄曲折。方呈臨水之姿。芳徑紆迴。益顯

臨風之態花香鳥語無限春情露重月明頻添秋思夏則疏簾清簟風送荷
香冬則煖閣圍爐月橫梅影凡斯點綴必當先研樹石次工花草至於宮室
器皿界畫方能折算無差釵環須習閨裝纔可妝成穩稱兼之傳染宜淨麗
衣紋宜清古布置宜各有來歷則如畫花者枝葉鮮明花亦因之增色矣

畫樓閣諸法


畫中之有樓閣猶字中之有九成宮
麻姑壇之精楷也筆偏意縱者未嘗
不相相以爲第不屑屑事此果事此
則必度越古人及其操筆而十指先
已翊結終日不能落點墨故古
人中即放誕如郭恕先以尋丈
之卷僅得其一灑墨亂作屋木
數角可謂漫無法則笑一旦
而操矩尺累黍粒而成
臺閣則柔楨撐櫨以訖
梁思無不霞舒風動毫
髮可數層層折折可以
身入其境也絕非今人
可及之功乃知古人
必由小心而放誕未
有放膽而不小心
者豈可以界劃竟
曰匠氣置而不議
哉夫界劃猶禪門
之戒律也學佛者

平臺崇樓式





必由戒律進步則
終身不走淒否則
涉野狐界劉洵畫
家之王律學者之
入門

起挑飛擎四面皆正臺閣式




遠殿式






迴廊曲檻宮式


九曲十八面亭式



雕欄玉榭式




宮府門第式




重軒列陞殿式






平臺式

遠亭式



工細橋梁式



階陸式

